

2017-imut nammineerluni nalunaarsuummut ilitsersuut (S 2) sukumiisoq Inuttasunut Sullissivimmit pissarsiarineqarsinnaavoq imaluunniit internettikkut nittartakkami [www.aka.gl](http://www.aka.gl) –imi takuneqarsinnaalluni.

Piffissanut agguataarisooqartarnernut maleruagassat immikkut ittut il.il. pissutigalugit nunatsinnut tikissimasut nunatsinniillu aallarsimasut nammineerluni nalunaarsuiffimmik immersuilersigatik S 2-mik piniaqqaarnissaat innersuussutigineqarpoq.

### 1. Nunani allani soraarnerussutisiassatigut aqqissuussinermi akiliutit tapiissutisiallu akileraaruserneqarnissaat

Ukioq aningaasarsiorfik 2017-imiit nunani allani soraarnerussutisiassatigut aqqissuussinermi akiliutit pisortaniillu tapiissutisiat aningaasarsiatut A-tut akileraaruserneqassapput.

### 2. Nioqqutissanik nammineq atuinermi akit najoqqutassat:

#### Inummut ataatsimut ukiumut

Iffortut .....	16.600 kr.
Niupert qerititanik nioqquteqanngitsut .....	17.200 kr.
Niupert qerititanik nioqquteqartut .....	22.700 kr.
Savaatillit tuttuutillillu .....	2.100 kr.
Neqaarniat pisiniarfutillit .....	22.000 kr.

Meeqqat ukiup aningaasarsiorfiup aallartinnerani 12-inik ukioqalersimannngitsut akiusup affaanut naatsorsuunneqassapput.

Akigititani imigassat kimittuut, immiaaqqat, viinnt tupallu ilanngunneqanngillat tamakkunanngalu atukkat nalingi ilanngunneqartassapput.

### 3. Suliffeqarfimmit akeqanngitsumik nerisaqartitaanerup nalingi:

#### Inummut ataatsimut ukiumut

Nerisaqarneq ukiumut.....	34.700 kr.
Tamakkiisumik nerisaqarneq ullormut.....	99 kr.
Ilaannakortumik nerisaqarneq (nerinerit marluk) ullormut.....	74 kr.
Ilaannakortumik nerisaqarneq (nerineq ataaseq) ullormut .....	55 kr.

### 4. Utoqqalinersiutillit il.il. akeqanngitsumik nerisaqartitaanerup nalinga:

Utoqqaat illuini najugaqartunut inuillu allat isumaginninnermi inissisarfimmiittut il.il. akeqanngitsumik nerisarnerisa nalingat inummut ataatsimut ukiumut ilanngunneqassapput ..... 27.800 kr.

### 5. Suliffeqarfimmit akeqanngitsumik ineqartitaanerup/najugaqartitaanerup nalinga:

Akeqanngitsumik ineeqqamik, inissiaaqqamik (ineeraq igaffeerartalik), inissivittut taaneqarsinnaanngitsumik, najugaqartitaaneq 2017-imut 16.100 kr.-nut nalilerneqarpoq. Pisortaatitanut, hoteldirektørinut assigisaannullu akeqanngitsumik najugaqartitaasunut akit immikkut ittut atuuq. Akigititaq inummut ataatsimut ukiumut 56.900 kr.-iuvoq. Meeqqalli ukiup aningaasarsiorfiup aallartinnerani 12-inik ukioqalersimanngitsut affaanarmik naatsorsuunneqassapput. Immikkut ittunik pissuteqarpat akit allat atorineqarsinnaapput.

**6. Biilit akeqanngitsumik atorineqartartut nalingat** – nalingi nikerarsinnaapput. Biilit Kalaallit Nunaata avataani atugassanngortinneqarsimasut km.-it tamaasa 4 kr.-inik nalilerlugu angissulerneqarpoq. Takuuk Biileqartitaanerup akileraararneq pillugu suliarineqartarneranut tunngatillugu kaajallaasitaq nr. 1, 17. september 2012-imeersoq.

**7. Akeqanngitsumik telefoneqartitaanerup nalinga**, ukiumut ... 6.000 kr.

**8. Akeqanngitsumik internettersinnaatitaanerup nalinga** – nalinga nikerarsinnaavoq – takuuk Akileraararnermut Aqutsisoqarfimmit Nalunaarut nr. 93, 12. oktober 2015-imeersoq.

**9. Kalaallit Nunaanni tjenestemandinut maleruagassiat naapertorlugit namminersortuni Pisortaniluunniit**

atorfillit **akiliunneqarlutik feeriarlutik angalanerisa nalingat** akileraaruteqaataassanngilaq inoqutigiinni inuk ataaseq ukiumut ataasiarlugu akiliunneqarsimappat.

Akeqanngitsumik angalanerup ataatsip saniatigut akeqanngitsumik angalanerup nalinga 2017-imut inummut ataatsimut angalanerup ataatsimut 17.300 kr.-iuvoq.

**10. Inuussutissarsiutinut peqatigiiffinnut ilaasortaanermut akiliutit** ilanngaatigineqarsinnaapput. Akassemut akiliutit aammalu efterlønisiaqalernissamat akiliutit **ilanngaatigineqarsinnaanngillat**.

### 11. Ulluunerani imaluunniit ulloq unnuarlu paaqqinnittarnermi ilanngaatissat:

**a) Ulluunerani paaqqinnittarnermi** aningaasarsiat 1/5-ii uppersaasernagit ilanngaatigineqarsinnaapput, annerpaamilli qaammammut meeqqamut ataatsimut 1.059 kr.-t.

**b) Utaqqiisaasumik ilaqutariinni** aammalu **pisariaqartitsilluni paaqqinninnermi** aningaasarsiat annertoqqataannik uppersaasernagit ilanngaatigineqarsinnaapput.

**c) Paaqqinninnermi** aningaasarsiat nalinginnaasut (Meeqqanik inuusuttunillu ikiorsiisarneq pillugu Namminersornerullutik Oqartussat Nalunaarutaanni nr. 32, 14.12.2006-imeersumi § 19, imm. 2 tunngavigalugu tunniunneqartut) angeqqataat uppersaasernagit ilanngaatigineqarsinnaapput. Aningaasartuutiviilli aningaasarsianit nalinginnaasunit amerlaneruppata, taava aningaasartuutit uppersaasernerqarsinnaasut aningaasarsianut nalinginnaasunut taarsiullugit ilanngaatigineqarsinnaapput.

**12. Parnaarussanik isumaginninnermi aningaasartuutit** uppersaasernagit parnaarussamat ataatsimut ulloq unnuarlu 149 kr.-t ilanngaatigineqarsinnaapput.

### 13. Nerisaqarnermut aammalu ineqarnermut/najugaqarnermut il.il. aningaasartuuteqarnerulissutit ilanngaatiginerat:

Akileraartartoq suliamut/inuussutissarsiornerminut atatillugu najugaqarfimmi/illoqarfimmi/sullivimmi (Kalaallit Nunaanni) utaqqiisaasumik avataani sulitilluni, tamatumunngalu atatillugu nerisaqarnerminut (takuuk imm. a) kiisalu ineqarnerminut/najugaqarnerminut (takuuk imm. b) aningaasartuuteqarneruleruni, aningaasartuuteqarnerulissutininitamakku **uppersaasarsinnaasani** ilanngaatigisinnaavai. Taamaattorli akileraararnermut inatsimmi § 34, imm. 1, nr. 8 naapertorlugu akileraaruteqaataasussaannngitsunik ullormusiqartitsisoqarsimatillugu aammalu/imaluunniit angalanersutisiatqartitsisoqarsimatillugu ilanngaateqartoqarsinnaanngilaq.

#### a) Nerisaqarnermut il.il. aningaasartuuteqarnerulissutit:

Aningaasartuuteqarnerulissutit nalilerneranni, ullormut aningaasartuutit akilerneqarsimasut uppersaasatitallit "akeqanngitsumik nerisaqarnerup" ullormut nalinga Naalakkersuisunit aalajangerneqarsimasooq qaangersimappassuk, taava taakku nikingassutaat ilanngaatigineqarsinnaapput.

#### b) Ineqarnermut/najugaqarnermut aningaasartuuteqarnerulissutit:

Kalaallit Nunaanni angerlarsimaffittut illoqarfiup/nalinginnaasumik sulliviup avataaniinnermi akeqanngitsumik ineqartitsisoqarpat - sulisitsisup najugassaqarfutaani taassumaluunniit akiligaani - taassuma nalinga akileraaruserneqassanngilaq, akileraartartup Kalaallit Nunaanni inigivigisani/najugarisani pigiinnarpagu.

### Piffissaq eqqorlugu kingusinnerpaamik tunniussiffissaq tassaavoq 1. maj 2018.

Tunniussiffissamat piffissaliusaaq ullormik ataatsimik qimmorneqarneri tamaasa akileraarutissat tapilius-samik 200 kr.-inik qaffanneqartassapput, taamaattorli innunut tunngatillugu annerpaamik 2.000 kr.-inik, aammalu namminersorlutik inuussutissarsiutinik ingerlataqartunut kiisalu selskabinit assigisaanullu tunngatillugu annerpaamik 5.000 kr.-inik.